

舒

蓺

室

詩

存

舒執室詩存四

南滙張文虎孟彪

次小田除夕元韻

窮居忘歲算心跡亦雙清把卷如常日催逋免俗聲鋪  
張忙穉子羸絀聽方兄獨酌還惆悵無人鬪酒兵

次小田元日書懷元韻

相見梅花又一年羈栖此老柰何天同撐病骨窮愁外  
獨寄新詩快覩先藥裏暫停猶止酒屠蘇看飲又流涎  
除夕有屠蘇三盞又偷嘗句杜陵廣厦浮夸耳那得茅齋八九椽

江南春

金陵城中無草根曲阿以北愁殺人髑髏滿地鬼夜哭

東風吹作江南春江南春色復何有松柏爲薪況桃柳  
賊來賊去官不知但向民間索升斗民間升斗亦已空  
去秋大旱多蝗蟲春來十日九風雨麥苗爛盡愁飢鴻  
愁飢鴻飢鴻待誰哺富翁無錢難自顧官差如虎捉樂  
輸望餉不來軍卒怒

訪小田郡城新居

漫嗟家具少於車患難隨身幾卷書我賀淮王真拔宅  
人憐陶令乍移居先鶯出谷春猶早爲鶴謀糧望轉虛  
賸有古梅花滿壁一觴相酌劫灰餘羅兩峰梅花大橫卷從兵燹中掣出  
城隅帶水近湖莊郡城西南隅西湖莊明徐文貞別墅一樣蕭條感異鄉  
君居蕪湖南城宅爲賊毀荆棘荒烟宿鸞鳳江山故宅窟豺狼尋詩

獨自成惆悵對酒憑誰話慨慷憶否秦陽風景好濃春  
十里菜花香

戲詠螭殼胸

午格交疏映淺廊罷施帷幕愛晨光鱗鱗密綴雲千片  
棱棱分填月一方鑽到癡蠅無日破舐來鄰女不須防  
憑他風雨庭前急差免年年故紙忙  
邊幅消除試翦裁刮磨曾費幾徘徊前身海月光明性  
此地風塵保障才但使周方勤補葺何愁窺隙惹疑猜  
玻璃雲母休相耀徧閱蛟烟蜃氣來

秋日懷人詩

萬卷殘書付劫灰烽烟回首尙驚猜西湖收拾閒風月

珍重瑤編遠寄來

朱郡丞緒曾君在浙得祕籍輒以寄脉

四壁蕭然舊使君  
草亭寂寞著元文  
金陀園畔多遊客

誰向斜橋訪子雲

畢子筠華珍時僑居嘉興郡城

湖樓一別二十載  
屈指先生年古稀  
聞道逢人常問訊

雞鳴風雨輒依依

碩甫

論詩有袒西江社  
山谷精深自有真  
如此高才兼勝地

可憐韓板走風塵

江湜時需次浙江

投筆高歌缺漫彈  
羞他鄧禹早登壇  
歸來一笑從軍樂

依舊天涯行路難

金華

博覽無涯好古心  
費才爭有事閒吟  
一編稽極今劉焯

不數通經孔仲深

顧觀光

江南秋老不勝哀左右詩囊與酒杯憑把鄉心寄征雁  
菊花休向戰場開

小田

以書辨別刪梅賾古注蒐羅證服虔無事閉門常對卷  
金閨車馬自喧闐

席元章

幾何九卷析毫釐重學精微更出奇但解買珠能棄櫝

何曾絕詣限華夷

李善蘭

詩腸文膽冠同時海國茫茫悵所之俠氣柔情消不盡

一齊分付竹山詞

蔣敦復

奔馳底事爲紛華客裡光陰道勝家幾輩名流愛交結

春風何處不狂花

張鴻卓

組織華詞挹古香輸君此體繼齊梁卽今楓落吳江夜

說餅遙知效叔庠董兆熊

人嫌才少患君多俗本難醫奈世何愁殺庭荆近憔悴

神方好與起沈疴何昌治

病鶴離群困不支別材偏遇道林師成巢此去青松頂

滿眼荆榛莫踏枝郭福衡君窮不能自振李

卅載京華本賣文還山更作出山雲魏收老死龔生天

君與魏默深源龔定菴輩別後顛顛白幾分厚堂

和小田移居六言元韵

結鄰何必朱呂窺徑只許羊求適意誰非樂土題詩且

頌愚丘

三揖禮拜石丈四千直酬青桐差喜明窗淨几免憂上

雨旁風

湫隘竟無服馬零落尙存  
賜書漫道東山安石聊比  
南陽草廬

芝蘭有時近肆枳棘不妨暫栖有客高談抵掌看我說  
詩解頤

拜賜自臺僕僕應官聽鼓闐闐攜孫踏青郊外歸來一  
笑悠然

人情水中撈月世事霧裡看花夸娥難徙王屋游俠欲  
傳朱家

吟心四愁五噫客思三泖九峰誰訂張南周北憑渠馬  
異盧仝



致富誰云有術買山畢竟無貲萬閒廣廈安得一枝深  
林可棲

作樓擬黃岡竹學圃憶范村梅何處說十七史姑且飲  
三百杯

人訝王融宋宋我憐李志厭厭鄭欽姑效吏隱顏駟本  
自郎潛

顧韋人作偉招同人花朝小集適以事阻不往賦

此報謝時同人擬爲君六十補祝

先生丁巳生今歲再戊午閒身頗矍鑠對酒尤力努才  
豪易揮洒不覺吟詩苦家近讀書堆拈髭常攬古華胄  
溯黃門式訓繼名父有田供饘鬻有孫繩祖武阿兄擅

法書從子工樂府交游徧江鄉一見傾肺腑得錢便揮  
霍白眼笑阿堵高談徹晝夜那復省更鼓倔强忘忌諱  
時亦遭狎侮平生山水癖勝地頻仰俯策蹇弔青山驅  
車走東魯猶恨長安遠未踏輦紅土飛騰入尊景閱歷  
異聞睹風流幾老輩溘逝不忍數世事往復還空歎五  
雜組臥榻生荆榛動足皆網罟莫問籠中鵝居然市有  
虎屈指二十年蘭茝成宿莽朝聞銅山崩夕報金穴撈  
衛足不如葵批根縱尋斧樊籬昔已撤今且及牖戶悲  
來一揮涕拔劒忽起舞浮雲何足論回首徒自憫何如  
約朋舊閒鷗聚三五請傾十年釀開懷樂樽俎況此春  
正中淑氣滿芳圃海棠將破萼殘梅尙妍嫵錄事倩花

神深杯酌鸚鵡鰕生本老饕聞召卜空肚六張連五角  
良會每錯迕伯勞與飛燕東西失儔伍飲啄固由天人  
定或可賭終當選佳日挈伴命舟艣訪君養福齋無酒  
應更酤借君勸客觴介壽爲君補主賓盡一醉不者出  
童茆只恐顧逋翁欲效畢吏部

壽張理堂進七十

服食煉氣求延齡矯揉造作徒傷生先生行年今七十  
不知製朮餐黃精十里五里腰腳健食穀噉肉身愈輕  
雲烟過眼晚境蹙掉頭一笑心無撓雞蟲得失兒女事  
此與老子何虧成旁人交口僞作達我獨謂否君試評  
當君年少時跳蕩眾所驚蝦蟇食月天柱折欲以瘦骨

強支撐一跌失卻鄧林杖渴思飲海騎長鯨可憐書生  
惡心性力不天助空目瞠額塌沙土垂兩翅壯志漸逐  
滄波平滄波雖平灰未溺無奈耳目猶聰明豈能聞見  
學龔璜污濁在膈忍不傾朝作秋蟲聲暮作秋蟲聲搯  
擢胃腎鉤物情致死尙與天公爭海山兜率皆仙京虛  
左待作新宮銘或言此獠太倔強窮老未許雲輶迎要  
令三見蓬萊水清淺鶴書再召山元卿

苦雨次小田韵

漫計他時旱農占四月多雨主夏旱先憂此日霖石頑難補漏民  
病不勝鍼逐婦鳩何急呼晴鵲久瘖舟車在人事未敢  
測天心

夜聞秋蟲襍鳴感而有作

梅雨斷復續空庭晚蕭蕭餘蟲促秋響夜氣增宋寥赤  
帝正司令何爲感金飈坐覺單袷寒清愁酒難澆頗聞  
青溪寇欲射錢唐潮颺使達直沾爾虜非天驕大道有  
時屈氣數中或消么麼此草蟲非時遂嚶嚶物理適遷  
變倚伏甯一朝念往既有然思來悵無繆所媿賢達人  
歌舞娛中宵

陳節母詩

節母海鹽夏氏女幼失父母寄食鄰母汪年二  
十七嫁陳某生一女屋火夫旋卒叔利兄遺謀  
嫁嫂急負女遁仍依汪積勤葬夫僦破屋居之

復遭土匪火還歸汪數年女長嫁徐生迎養母

咸豐元年旌表如例

堅金有時鑠直木有時摧誰謂弱婦女百折心不回孤  
露當幼年寄食淹標梅嫁夫有恆業山雪期同皚鬱攸  
爾何讐使我家室積豈徒家室積寡鵠鳴悲哀原上有  
鴈鴒化爲狼與豺出門負穉女中路重徘徊仍感鄰母  
賢相倚無嫌猜篝燈事紡績刀尺勤縫裁不卹十指裂  
始得營一坏辛苦定新巢忽復成飛灰仰天叫無辜抗  
我何酷哉愴然眎舊枝戢羽還重來堅金竟弗鑠直木  
竟弗摧半生墮風波波靜雲亦開雛鸞歛長成擇壻多  
藝材生女勝得男奉養同南陔回首四十年過眼如烟

羅榮旌表綽楔節母猶傷懷節母幸母苦天道栽者  
培

遺暑雜題

數年暑月久無此今夏驕陽何太驕南風亦自畏炎熱  
藏在樹頭不敢搖  
動搖忙殺蒲葵扇纔欲翻書汗已淋第一可憎蟲最黠  
但窺人隙便相侵  
具體纖微毒嚙膚那能一炬便教無細思物理輒然笑  
此亦飛鳴食肉徒  
江南江北賊未平浙東浙西多戍兵諸軍且效河朔飲  
六月戎車罷戰爭

灌畦起早午微倦何計消磨此日長  
蜚螯肥黃蟹瘦  
酩酊一壺生晝涼

小院牆高闌檻靜晚風默坐百慮  
芟不知明月已東上  
花影參差來葛衫

北斗南箕柰爾何王良策馬車騎  
多牽牛織女正愁絕  
幾箇流星飛渡河

雜種園蔬無隙地豆棚瓜架還縱  
橫夜闌夢醒滿牕月  
閒聽高低絡緯聲

布韞屨鞋吾白適韉袍襜褕客何  
勞須臾客去更赤腳  
籬角梧桐今漸高

連朝急雨入新秋便覺齋居事事  
幽數朵蕭疎綻深碧



詩存四  
一襟涼思在羣牛

園中有瓜青且黃引蔓草根深自藏誰令蛇虺實汝腹  
毒蝕汝心徒括囊

虎耳草能瘳耳疾射干花解療咽喉棄捐階砌閒無用  
付與詩人聊寫愁

題獨坐撫琴圖

未有琴先有音音何在琴之心空齋蕭然坐正襟爐烟  
自浮心自沈太古非古今非今松風簌簌不可尋山高  
高海深深琴無琴心無心

七月十六夜對月同錫卣韵

是夜月蝕

銀漢當空斗柄西高寒何物犯璇題瑕瑜於世一瞬息

盈闕在天無黍圭依舊冰輪照碧落忽聞風簾度前溪  
流離幾輩思鄉淚此夕悲歡總不齊

有寄沓前韵

鵬鵠東飛燕燕西衡茅幾輩羨棖題當時捧檄方毛義  
別後移文任釋圭名士盡求句漏令落花都出武陵溪  
計功謀利今誰是眾楚紛紛笑一齊

又沓前韵一首

恩威久播夜郎西航海來朝又白題奉使誰爲曹利用  
上書應有范如圭藩籬自昔區中外蒞藻於今竭澗溪  
狼虎無親況相忌伐謀無策聞秦齊

遣興沓前韵

敢比東屯與灤西門邊凡鳥任誰題年華漸釀雪雙髻  
墨水不肥田一圭差免笑人煩智叟屋前土壟甚高不  
何妨因我號愚溪地本古張涇壩俗遂名張溪三杯秫酒陶然醉始  
信南華物可齊

雜詠園中草木

鳥梭兔斧斤徒以枝葉盛乃知姑息心愛材亦一病鳥梭

果本劣又花而不實以其高茂意不忍伐然未秋先落枝葉已童然

殘暑見秋花幽碧固非惡引蔓一何深暗中敗籬落牽

花

當時競春色相賞不曾疎花落實已摘誰憐此樹枯桃梅  
石榴苦遭蠹夏盡不知春主人久相棄猶作敗紅巾

柏樹瘦且孤，硬葉羞眾綠。留待嚴寒時，青青自成獨。  
亂草除難盡，癯耒枉自勞。連秋幾宵雨，長與樹爭高。  
紫薇豔而雅，態不作炎涼。夏盛秋逾好，繁華特久長。  
漫託忘憂貌，徒成不義名。何如學蝴蝶，栩栩逐莊生。

龍爪

類萱花，葉不相見，謂之不義草。  
莖尾似高良薑，俗名蝴蝶花。

種竹栽數竿，靜對劇有意。蕭然君子風，自與凡俗異。  
叢蘭倚石根，無花葉亦好。惟恐肉眼多，芟夷或同草。  
去年種梧桐，芭蕉甲纔坼。蕉葉今蔽庭，梧桐僅逾尺。  
裊裊女蘿枝，幽豔勝菊婢。扁豆亦有絲，花妍實更美。  
裝飾淵明菊，看成兒女花。存真非我嬾，籬畔任橫斜。  
橘蠹化爲蜨，蜨子復成蠹。蠹蜨自循環，焉知橘心苦。

桂樹何連蜷相期在岩穴俗論重科名還將累秋月

秋風弄奇巧有意鬪春妍老入花叢裡羣芳應粲然

紅有西風錦漢宮秋  
諸名總名老少年

溪光映高柳紅掌柳根踏安得置我園憑闌聽鴨鴨

適挂王禮秋言畫  
柳鴨意境極空濶

### 和小田三子詩

俗占人家蓄蜂鴿無故飛去竹忽枯死皆敗徵

謂之三子小田作詩意有所諷因推廣之

昔當周德衰龍螭化爲鼃朝陽絕鳴鳳高岡桐不繇物

性無大小怪變自有源鴿固鳥之靈歸出羣飛翻蜂知

君臣義釀蜜不憚煩竹筍尤易生戢戢俄滿園凡茲本

天成字育人所援物亦借人力一氣同寒暄氣乖物耗  
散和則皆孳蕃枯苑匪自天相應如風旛我讀角弓詩  
三復義勿諉兄弟及昏姻曷爲使偏反反駒既不顧教  
猥豈云冤螺贏空負子脊令悲在原韡韡常棣花忘憂  
不如護乃有烏啄屋乃有犢破輶乃有蠹蝕木乃有蠅  
止樊乃有荆棘叢縱橫敗籬藩乃有澤中槐出火以自  
燔八龍與三鳳腐鼠徒嚇鵠喬木風蕭蕭憩者何敢言  
乖氣實使之欲輕誰能軒我欲竟此曲此曲鬱以怨和  
君三子詠尙慎耳屬垣

小園偶作

灌罷園蔬負手行晚寒籬落半陰晴經冬宿草青如此

霜雪年來亦世情

喜雪用蔡體寄小田

重陽得晴冬苦旱正恐來歲無麥苗天公有意弄狡獪  
忽變陰雨連昏朝頻年入臘久無雪滕六老嬾蒙譏嘲  
奮然補過初試手瓦溝未積先已消北風作氣一再鼓  
臥聞徹夜鳴調刁晨興失喜日穿牖啟視但覺寒光搖  
庭階高下混一色雜樹不辨誰枝條檐頭微溜漸滴瀝  
空外餘勢猶翩飄恰疑杵臼細舂擣倍穫特示天田饒  
竭來僂指見三白快意已足忘飢枵平時畏冷戶不出  
輒思著屐陵山椒涪翁詩骨老且瘦稜稜獨與松後凋  
此時聳肩煨榾柮呵凍何以酬黃虜歐陽有例禁寸鐵

更白請勿辭三蕉

新正遣興

幾家爆竹

二字見武林舊事

作春聲草草年華忽又更紙閣蘆

簾聊位置蠟

梅天燭也

縱橫人情傾倒屠蘇酒世味糊

塗骨董羹羞喜叩門無賀客擁書消受滿胸晴

雨水後又雪適小田和予禁體詩見寄倒押前韵

酬之

先生詩思如剝蕉老幹恥作春芳嬌空山偃蹇冷花發  
霜雪雖盛無由凋釣筒浮潮寄尺素不惜箇桂酬申椒  
上元燈後過三日義馭昨已離元枵天公薄相亦善戲  
特鼓餘勇誇豐饒似憐此老太枯寂催詩又遣鯨英飄



東風入樹了無跡但覺四野空蕭條狐裘貂帽安且吉  
重喬河上方消搖凍蠅不出苦鑽紙餓虎欲突巖鳴刁  
感時空自酒腸熱見睨那得妖氛消癡龍婆娑屢起舞  
豈慮蝦蟇還相嘲請君洗盞歌上瑞山谷詩東皇賦上瑞來甯黃屋憂  
杲杲日出曦晨朝

皇仁柔遠布春澤行見千羽馴頑苗

小田以祀竈夕復雪詩見示別有會同韵戲作

風雨殘寒迫送神朝天歸路盡如銀黃羊索祭期金屋  
白鳳前驅洒玉塵上界看來花似霧平時知否桂爲薪  
煦婁雨曰公平醉聊報豐年慰主人

讀漢書五行志書後

春秋紀周正三月實歲首雨雪書庚辰雷電先癸酉相  
距八日間氣應何雜燦陰陽互相乘失序迺其偶漢運  
當元成災異歲頻有劉生說洪範一一論休咎要其寓  
規諫用意亦良厚俗儒昧天人古傳幾覆瓿天變誠難  
知人謀果臧否毋謂斷爛文此藥不龜手掩卷一涕洟  
嗟哉隱公九

詠虞美人

大王風亦解溫存嬰娜柔枝泣露痕小草遂關亡國恨  
名花生合美人魂翻因豔極疑妖冶獨殿春餘似感恩  
我效楚歌卿楚舞霸圖殘夢付芳樽

董夢蘭

兆熊

哀詞

詩存四

三

此病何名止積勞誰令觸暑事征舸可能抄撮歸天庾  
其柰追呼甚石壕狐竟作威知虎猛驚皆爭食聽鴻噉  
煩冤一片桐溪水生是儒酸鬼不豪

一別春風事變遷

碧梧翠竹

君居傳處齋名

雨蕭然等身著作

誰千古

詩所著有樊榭詩注朱子門人考明儒事實畢世

交情只九年

共命忽驚賢婦後

君婦後君九十日卒修文早夢故

人先

沈孝廉曰富錢廣文熙泰俱

前君卒君嘗夢與同被召才狼滿地何時滅閭

闔排雲好問天

雜詩

此心本無營漸與閒逸親匪曰託高尙聊以全吾神飢  
寒分所宜暫免豈得煩資生我何術乃欲辭窮民世事

有反覆歲月多因循俄焉松菊秋俄焉桃李春桃李非  
不榮吾愛松菊真

種菊東籬下眾草蕪且蕃灌菊草亦滋刈草傷菊根釋  
此兩不事草長充離落菊葉漸黃落莖幹亦僅存夜露  
不及濡風雨徒攀翻微蟲彼何知齧齧有少憐人事既  
鹵莽焉能覲天全

不以人廢言聽者宜用恕質諸立言心此論甯自據空  
文取魏科華詞博聲譽亦託義與仁娓娓垂述著玉卮  
既無當畫餅豈堪飫其言或一然於已復何與清夜聞  
鳴鐘汗下每至曙

秋蟲與春鳥時至聊一鳴此聲真化工天籟無俗情文

人圓結習懷抱或自傾抒寫亦偶然詎曰非心聲豚蹄  
祝甌窶乃覲千載名千載即可傳其意已不誠蟲鳥我  
所師唱和同嚶嚶

我家素貧賤久已廢儒業我幼喜讀書我父任所習傷

哉五載間三喪

祖母父母

痛焉戢兩弟穉且魯治生冀速立

長妹適窶人三十死未及次妹歸鄉農饗餐常不給依  
人我一身奔走時汲汲屈指卅餘年百注恃一把骨肉  
各異方大海萍兩葉罔極何所酬空然淚承睫

少年恃捷悟章句寫所親過目輒了了自謂記憶真誰  
知中年後開編恍如新得筌每失魚舖糟或遺醅臨文  
將有作詰籀苦不伸根本固未立枝葉何由振今人吾

孰如況乃思古人愧彼萬牛毛誰爲獨角麟  
烏蠅形醜惡復抱蠶蟲資遺種在草間所過成瘡痍中  
庭有嘉植綠葉無子遺逞其翬鬻性豈特桑與葵一朝  
忽蛻去鼓翅垂雙翅翩然見文彩違記前身誰拚飛觸  
蛛網欲脫焉能揮木無凌霄質易形空爾爲昔爲人所  
惡今爲人所悲

伏雌引眾雛雛雛來庭前見食常相呼小大無所偏眾  
雛亦殷殷成行儼隨肩昨日毛羽成飛走能自便奪食  
輒相啄稍強乃爲先不念離殼初一氣同所天老雌無  
奈何啄草牆陰邊吁嗟彼物爾物爾人豈然  
抱甕晨濯畦抱甕夕濯畦畦中多黃葉枝上無綠莢有

更前致詞物理君未識灌溉徒自勞豈能繁其植燥涇  
物異性肥磽物異宜性宜順所適蚤晚亦有時已涇勿  
復濡已肥勿添壅宜風不可翳宜疎不可亢冬日夏則  
畏時雨恆則傷天道本好生太過爲物殃君今學灌溉  
未習灌畦理灌畦且不能其他可知矣

客從何方來貽我一紙書上言金陵賊首逆潛蕪湖西  
江幾肅清今復遭翦屠捻匪竄山左道路皆萑蒲故人  
入京師北上此要途下言暨陽城眾士方曳裾揚鬢望  
禹門毆毆爲龍魚開函再三讀俯仰增繁歎阿稽市酒  
回引醖南牖虛脫粟炊作飯野菜烹作菹書中何所言  
醉後庸憶諸

課花軒雜感

敝室探囊兩不驚

課花軒相傳有鬼然予常獨居此初無見異道光己酉夏盜至不入室井

不聞聲今春盜又至

蕭然行李夢魂清叩關無客出門

予先於其日行矣  
嬾坐臥一龕心太平

古柏盆傾蔓草牽凋零柏幹折霜烟荒庭棄擲無人惜

曾費栽培數十年

一叢天竹近牆隅鳥雀啁啾日覬覦啄到髭枝無可啄

還來苔磴覓遺珠

塊壘難憑濁酒澆當年空笑蓋寬饒元規塵泥劉輿膩

早使人閒熱血消

入時花樣鏡中看人道先生骨相寒已是襟裾到牛馬



何妨從此溺儒冠

辟穀辭家便入林燒丹兼要煉黃金傾身障簾緣何事

無限春蠶未死心

不學瞿曇不學仙率真惟任性中天次宗已入白蓮社

謂席五柳先生只醉眠

海鷗相聚兩無猜二老風流自往來郡城中時相聚落者惟小田一人

落乾坤供一醉蒼茫懷抱入深杯

贈陸日愛

君住松陵上天隨慕昔賢放懷觀世故刻意事詩篇所

勛在千古神交今數年元真吾敢望相約刺漁船

悼楊隆

書記乍翩翩翼生竟天年病牽妻子累貧賴故人憐一  
世詩爲命千場酒亦仙海山魂夢在或者證身前時病篤有

歲暮

歲暮寒深且閉關茅柴酒薄易酡顏暫拋書卷兒童喜  
稍遠虞羅鳥雀閒野渚風多荷作屋平原障少雪爲山  
護羌充國今無恙數載屯田髻亦斑

寄江混杭州

草檄書生事何嫌祿仕卑乾坤空按劍雨雪獨登陴小  
劫湖山黯春寒草木萎賦詩能退敵殘寇莫相窺

春雨久困喜小田至

入春遂陰霖忽忽過上巳南牖闔如漆冷氣颯破紙桑  
柳澀未稊何況蘭蕙正日光如曇花一現不及視句芒  
寶司令生長方自始冬暖春疑寒天紀亦稍弛沿江竄  
窮寇七載困封豕巖巖諸將帥坐鎮雄鼎峙張羅待焦  
明出柙憑虎兕比者廣德陷烏合聲更哆杭湖已被兵  
禾郡連尺咫紛紛計遷徙傳說徧塵市蘇垣亦戒嚴徵  
兵守樓雉官符急捉船舟楫斷江涘似聞呼號聲蹀躞  
亂屐齒無策安一方庸悞良自恥閉門擁敗絮弄筆僵  
十指何期風雪中故人忽來此坐定述所聞委曲略相  
似因數癸丑年避難別桑梓萍泊寄此邦千里遙祭祀  
草賊豈久存枯朽當易阨誰知事不然河清復安俟茲

鄉比桃源農氓頗樂只今當事東作將見錢鋪序一朝  
遇瘡痍那得顧耒耜鯨鯢翻大海鰕鰒擾溪沚城郭不  
可居鄉村亦難恃天涯徧荆棘何處容足趾嗚呼彼草  
竊蠹動等蟲豸向值乾嘉朝甯足勞一矢所恨承平久  
專閫乏任使指揮旣無具進退徒竄覬因循叅寇讐狂  
瀾孰能砥適迤命所值詎獨吾與子天人理相通災沴  
徵昔史浮雲漫太空雨勢正未止油蔕早零落麥苗半  
爛死即使賊不來亦恐病耕耔萬事姑聽天戚戚慙達  
士君言載酒來開甕香且泚中廚燃溼薪餽藪雜乾肺  
傾觴語中宵屢翦燭花紫酒渴且勿憂鳴檐足泉水

三月十一夜大雪明日晴得小田書卻寄

咸豐歲庚申清明三月節前三日乙亥寒氣尤慄冽風  
從東北來薄暮乃大雪飛揚若自喜作勢故泐迭初看  
瓦縫平旋見苔磴凸積雨每浹旬餘澤猶可擷天公富  
膏脂不似民易竭去冬久晴暝草木潛已茁寒溫忽易  
候毋乃有夭折不寤造物心何爲弄奇譎黃昏聽淅瀝  
欲飲無麴糵瑟縮展布衾著體如裹鐵卻憶諸健兒連  
營戍西浙嚴更數刁斗冰連鬢須結奇兵固難用防患  
慮應切此正努力時壯氣慎勿茶安得酒千斛澆爾腸  
內熱或者種與胥忠憤無所泄怒翻錢唐潮飛灑作玉  
屑空中萬鱗甲凍此醜類絕窮思聊快意入夢聞寇滅  
寒光透重帷未曙先皎潔侵晨畏披衣有若蟹戀蛭荒

圃忽改觀瓊瑤儼林列朝陽漸開駁如馬初脫紲急溜  
聲淙淙消鑠真一瞥故人寄我書將軍信英傑杭城昨  
已復殘寇今涸轍行當鼓餘勇次第掃羣蠶亂匪降自  
天嗟哉下民孽但願陰陽調春風解幽閉方結切宇內同  
昭蘇康樂登耄耄明日當踏青秦山酒同擊

### 九汰洲

弔張副帥國樑也副帥攻復九汰洲江甯賊窮  
驅飢民填壕衝破大營兵潰副帥退至丹陽戰  
死時咸豐庚申閏月也

失我九汰洲餓賊不死壯士羞復我九汰洲斷賊接濟  
智士憂金陵城中困獸怒抉藩一出勢莫收飢民前驅

賊後頭墜坑落塹後者蹂狼豪豕突天地愁閨春立夏  
如暮秋桓桓張將軍裂皆揮兩矛七日七夜戰不休明  
月照地積雪流馬蹏蹋破萬髑髏援兵四潰裏絕餓墮  
馬復上氣愈道烏呼失九洑復九洑九洑再失何時復  
金陵城頭賊鼓腹雲陽城邊戰魂哭

朱涇東林寺贈符

葆森

廣陵有窮士避寇船子灘病足行步澀拳跼屋兩閒大  
兒阻江北音問頗復難獨攜無母雛一僕慙且頑終朝  
對筆研垂白興未闌編詩繼吳興君選國朝詩正雅以繼沈文憲別裁  
一一淫哇刪相慕幾而歲今始識子顏少坐頻蹙頰夜  
夜夢故山蘇城又見告豺虎踰吾園偈側此一隅何能

離人寔劫成固非偶禍至徒慨歎東南久奢靡淫巧亦  
已殫卽如揚與蘇民俗偶最瘠百金縫一襦千萬治一  
環富者競夸尙中人竭躋攀司牧本爲民此義忘伐檀  
借公事誅求搜剔徧艸蕪所期囊橐充軍國置等閒尺  
籍多虛名軍興餉尤艱濫招乞索徒強使長弓彎自從  
大營失全勢毋乃翻潰兵非不多持節誰抵攔破竹遂  
南驅未可測後患茲里實邑治咫尺連郡垣遷林遁栖  
禽避燉來窮翰鵲巢鳩暫居誰謂鴻漸磐側聞曾尙書  
授鉞方登壇去此千里遙轉戰經重關鞭長馬腹遠得  
不蹂籬樊蒼生吾與君蕭然兩儒酸家累苟可遣便作  
管幼安念此長咨嗟胸臆徒往還姚合我舊姻餽我餚



滿盤

妻兄姚燕穀杏士以酒餽饋

君出所藏酒舉醢聊其懼此室昔

所寓比已

十載寬卻數當日事滄桑感無端道光已酉庚戌間予

嘗以他事寓此

一家尙爾爾世變深可原世變且勿慮慮子瓶

中乾

胥江

胥江帶水接嘉禾四月腥風捲蜃波吳地山川思遜抗

中朝人物見王何夜郎遂啟僬僥國壯士誰收曳落河

一樣東南脣齒倚流離蒿曰不成歌

狂寇

狂寇遂南竄風聲不可聞刀磨三泖水火照九峰雲借

面狐嗥書焚巢鳥失羣七年叨蔽扞空憶向將軍咸豐三年

春賊陷江甯卽欲下甯蘇杭適  
總統向軍門榮踵至乃細其謀

越騎敢先鳴拾渠賊亦驚先有黃衣賊目騎馬幾人張

怒氣一戰背空城都尉身家重詞臣節義輕臨危誰致

命只有卞忠貞戰敗死之

### 秋懷

從來秋士例悲秋家世偶詩況四愁碧落銀河天莽莽  
美人香草思悠悠星沈玉帳哀猿鶴風折牙旗走馬牛  
千古鴟夷靈爽在五湖無恙一漁舟

宋宋茸城晝夜開無因消息問蘇臺百川到海江先注  
羣燕辭巢鴈未回入市金笳吹曉月驚天礮火響晴雷  
退飛忽見西風鷁又報烽烟自浙來

浦江風雨作秋聲潮去潮來自不平回紆可能終助順  
吐蕃聞說又渝盟鸞輪激水飛艘過畫檻陵空廣厦成  
勝絕偏隅真樂國未妨談笑俟河清

參商希見況晨星大海從漂兩葉萍往日歡遊皆醉夢  
一時朋舊半凋零人閒豈有王官谷詩句渾慙野史亭  
爲謝空山反招隱只愁無地抱遺經

題蔣

樹本

種花圖并謝贈蘭

花各有性情種者謹其始培植量所宜正與毓材似寒  
暄與燥溼失度判生死裁翦頗賴人豈徒天工恃蔣君  
志風雅妙理契花史庭宇無冬春芳葩爛紅紫客來但  
驚咤悅目競夸侈豈知費辛勤朝夕勞撫視嗟予晚學

圃餘事亦喜此竹樹連瓜畦  
襍花覆苔泥橫斜任開落  
嬾拙還自恥君應笑荒蕪  
健僕特走使饋我雙白璧  
碧葉紛繞指恰如蓬華中  
入座得佳士無言趣已遠  
不待啟脣齒世路方荆榛  
君心自蘭芷作圖寄所適  
亦足觀意惜蕭艾爭充幃  
滔滔彼誰子

細桃盛開柬小田

荒園碧桃昨日開老翁愛花何不來  
侵晨微雨急走看  
那管履韞黏青苔皎如積玉出元圃  
錯落間以紅玫瑰  
翩如舞鶴炫毛羽縞衣丹頂光裴裒  
白雲片片映朝日  
羣仙遊戲金銀臺卻疑花妖弄狡獪  
一樹并合杏與梅  
可憐此屋久肩闕五載棄擲隨蒿萊  
芭苴過牆海棠短

山櫻結實纏枯蘖嗟爾神采獨秀發俛視別種皆興僞  
斯人精靈或未滅謂梅生玉樹不自甘長埋攀枝欲折忽  
歎息曉露厭浥如啼哀絲花似錦不及賞付與後世知  
誰栽呼兒洗瓶速汲水供向梨几晴牕隈因招詩老暇  
過我惜有粗茗無良醅

錫卣成婚書此以示

草草成婚禮干戈正沸騰亂離疎節目憂喜累親朋回  
首年時事傷心涕淚增予婚時孤露已數年雙親老猶健此福爾  
偏承

紀事

享罷爰居忽大風

總戎米興朝統兵赴浙防堵

瓦山戍卒一時空開

關禦敵軍誠壯閒道潛師內已訂

公作浦副都統錫齡阿

因內應開

兩鬢秋霜身報國九峰雲氣海朝東浙西門

戶連城峙失陷何堪此日同

平浦失守副統戰死

妖鴟闌入大姚村婦孺驚唬盡室奔桑下昔曾三宿戀

桃源今有幾家存田廬接畛人烟絕風雨連朝日月昏

間道健兒能殺賊

賊頗畏

不知何意縱游魂

陷淖沾泥溝水頭嚴妝當日坐紅樓容身漫計生何託

破卵難期室尙畱幾姓萍逢同草舍一家蓬轉付扁舟

琴書几席歸無恙等是逃亡我已優

金穴銅山半劫灰白雲黃鶴幾時回天錢可摘登無路

海市誰通債有臺佩犢少年扛鼎力爛羊都尉治兵才

詩存四  
不愁谿壑填難滿大令廉明善理財

寄小田避居南漚

吾邑南沙路相思水一方有生皆寓客何處定他鄉  
喜此寇氛遠憐余歸夢長黃昏看北斗河漢又斜行  
宋寔復宋寔鄉居何所親扶筇村犬吠問路野人嗔  
詩就教孫子月來成主賓無勞饋藜藿原憲故長貧

倉卒避亂至周浦小田以布絮寄贈感而有作

出門無襪被避難一何迫故人憐我寒寄我以絮帛遊  
子歸故鄉而我反爲客親朋偶相見問訊腕徒扼平時  
行路難何況當兵革

鬼語行

八月十八夜大雨浦東浦北聞鬼語忽焉在空中忽焉  
在庭宇雨聲悽絕鬼更哀如泣如訴何爲哉子孫逃亡  
不得食若敖之鬼紛俱來不然賊氛將至鬼先懼結侶  
呼羣相率去或言國殤之魄爲鬼雄鬼車鬼馬旋鬼風  
積冤深憤盡一發長驅鬼兵摧賊鋒身乎人謀不臧鬼  
徒決不如停聲歸鬼穴君不見鬼伯開筵飲人血地下  
笙歌看明月

德勇行

卓旗忽至何紛紛殘月未上日已昏沿街闔市橫索人  
鞭撻扣戶刀斫門炊飯飯我酒滿樽牛羊鵝鴨魚雞豚  
闐然入室搜錢緡簪環傳珥纏臂銀衣裳縑帛雜組紉



芙蓉之膏錦繡茵有或不供火伴嗔盤頭大辮腰紅巾  
撫軍親軍勇且尊見敵未近毋數奔功成畫像圖麒麟

述懷一首

窮身得一枝營巢大非易明知近鷹鷂力小艱轉徙僦

屋傍張涇感我死友意

梅生嘗訂同居及予遷張堰梅生先一年死矣

老屋八

九閒足以資偃憩前園添竹梅雜花亦時藝後圃種菜

蔬瓜蔬粗可繼編籬中畧畫培土深壅蔽晨朝學抱甕

勞苦遑自貰小來愛書史善本心所係積聚三十年萬

卷親審諦槃薄一室閒羅列供獮祭每於思議窮撫景

一凝睇悠然與物化所得無滯義至今六閱歲譬若蟬

在翳小人享清福遂爲造物忌仲秋月初四其日雨新

霽喧傳浙寇來指顧見賊騎我域新移居姚杏土自有鄉間遷至  
舟勸同濟事出倉黃間身外皆所棄一舟十五人坐臥  
不復計東行適何方欲往遲鼓枻但見烟燄騰人聲四  
如沸經過數邨市傳說多同異遷延至澧溪宛轉託親  
誼積雨地庫溼且幸得所庇毋爲蝸角爭差作螭螟寄  
遙憐抱甕居正在兵火際家具不滿車狼藉何足記庭  
柯十餘樹那得辭斬刈所惜萬卷書蹴踢同敝屣猶憶  
四月初聞警遷近地離家五六日啟鐫頗喪氣蛛絲縈  
几榻塵土徧篋笥新竹橫穿牆亂草高過砌常時所畜  
貓骨出尾還曳見我如驚鷹向暗急竄避當時賊未至  
此景已堪涕貓今應餓死屋則爲賊敝即使幸西還畱

遺復餘幾曲突苟蚤圖

仲弟於四月勸東遷

賄遷或能翼因循

久不決後悔焉可厲況今大帥策未定戰守議噉嘈諸

練勇執戟如兒戲西南多要隘得不謀重閉澧溪我故

閭親舊半衰替非無先人廬鵲巢鳩自隸可憐幕上烏

蹙蹙靡所戾已矣勿復言飢寒日憔悴

此後

此後都無策餘生一贅民亂離妻子散貧賤弟兄親獨  
立吟諸將忘言念古人何須論經世已拙是謀身

滬城雜感

城郭都非故

已不至滬

真疑化鶴遊滄桑經小劫鼓角動

新愁海氣易成市神仙偏好樓袁公有遺壘無處問荒

洲

一浦環三面蒼茫接海流 朝廷天北極節鉞古諸侯

醉夢魚龍戲絲華燕雀秋平生鄙黃歇到此賴鴻溝

由周浦避賊走至百曲邨

咸豐辛酉十二月十七日

夜半傳賊來披衣起摸索兒女啼烏烏鄰里皆已作出  
門四顧望冷氣入齒腭踏屐泥淖中人聲犬聲錯野行  
昧途路幸未攜囊囊苦月憐人窮久照不忍落

宿陳家邨聞賊近走至浦邊

十二月二十一日

茅屋多風霜蒙被效拳鷺邨人呼速起惘惘卽行路殘  
月升未高昏昏暎寒霧前夕月尙皎今夕月已微正如  
避難人勢蹙日漸非神龍潛深淵黃鵠遊海嶠奔走求

生全能母壯士笑

滬城晤楊

蘇光  
月二十六日

相對真如夢重逢滬瀆城豺狼方接跡雨雪此孤征慘  
目兵戈劫傷心骨肉情東南天宇窄何處託浮生

與錢鼎卿學博

熙輔

夜話

風雪暮停舟殘寒問舊遊

冬來已三  
至滬城

子猷今訪戴王粲

故依劉叢爵驚相集城狐隱共憂翦燈聊說鬼且未訴  
離愁

連日大雪歲除始止寒甚有感

倒海作瓊瑤昏昏大雪飄貞元當此際來復始今朝

距

春七已覩堅冰至何時見曉消人心與天道我欲問參

夢

酬楊

葆光

除夕之作

雪後樓臺望最佳風光其柰入愁懷  
驚聞菜價根難敵怕問妻孥淚自揩  
客館寒燈人度歲胡笳銅鼓鬼巡街  
宵闌把酒還相勸猶幸淒涼與子偕

同治元年新正有紀

晴開八表物同春此日朝廷氣象新  
四目重華更見月重輪恩施狐兔寬天網  
威憚蛟蛇肅海濱郡城浦東勝臘尾況深三尺雪  
豐年無待祀蝗神

雜紀

雄城踞浦江海舶達遼左南通粵與閩百物繇且夥西  
夷越重洋引類如螺贏自從十年來樓閣增破礮郊圻  
成街衢遂闢北門鎖滔滔慕利徒有若蛾赴火三年困  
紅巾屯難亦已煩如何創痍平轉更長驕情卽今寇氛  
逼所患非疾蠡覩然罔聞知直恃夷衛我比戶笙歌喧  
摩肩青紫拖百萬擲樗蒲千金贈婀娜南城多餓殍載  
道呼荷荷誰能捐勺糜旦夕延亦可忍哉擁厚貲作醜  
深自裹頃聞賊勢衰兵威漸能播厭亂或天心人實未  
悔禍

巨墟北門外冢墓何岷岷轉瞬二十年蜃氣成樓臺閭  
閻左右列馳道中央開市肆集五方奇巧無不該卷髮

碧兩瞳黃須繞其顙白布縫作巾袴褶縛韎韐持杖走  
扶人側目不敢咤亦有紅鬪衣面色如煤矣像真如達  
摩云自佛國來朝出西郭門午奪雞羊回彼美嬋媛子  
輕紗映蛾眉帖地拖長裙壓首繇花堆蹀躞遊廣場道  
路光徘徊鳩舌言兜離窄袖衣短裁甘心變於夷獨非  
吾民哉華夷互襍沓街衢背相推車驅馬且馳過處惟  
塵埃下有陳死人白骨同飛灰

十緡賃一椽百金賃一室棄彼華廬居卷跼入蓬簞自  
從金陵陷淪胥至今日約略全吳人蟻附此一垤去冬  
紹甯破杭郡亦隨失亡命得浮家長物所未卹紛紛投  
樂郊縮地苦無術嗟此逋逃藪戶版如比櫛遂令土木



言不四  
工日夜不暫逸杜老眼中屋廣廈何舉律碧檻盤虛空  
欄廊繞堂密其中居何人嘲哢不可詰豐蔀易所誠盛  
極天亦嫉安知蕭牆閒而必無顛躓愚夫多杞憂聞見  
皆可恍栖栖乞食身何能計安佚借問桃花源何如包  
山橋

輪船載天兵浮海先後至徒跣單布衣其氣肅且驚傳  
聞李臨淮百戰兼勇智意尤崇儉樸輦帶懷三褊所以  
嚴軍容出入無敢恣物價爭一錢割耳鳴市肆列營南  
門外練卒日二次剋日復諸城先聲奪賊志因循幾月  
月供億非易事習俗能移人服采漸以侈百物方貴騰  
何以籌犒賜夷兵拔膠城聞已立漢幟悲哉浦以東一

孽禍愈熾尋仇苦焚殺骸骨誰復識波血入浦江舉目  
不忍視何時遂東征殲彼狼與豕庶幾招流亡東作或  
可治

述鄉人語

有自賊中至告我以賊情當賊初來時走避孰敢撓窮  
鄉匙金帛布縷賊所輕斗糧卒歲資雞鴨豬羊并把茅  
雖未燒回看室已傾前邨某家女抗賊戕其生亦有某  
家兒被擄隨賊行私幸家室完飲恨姑吞聲何來僞鄉  
官挨戶書人名按月責捐輸令爾婦子甯蓄髮爲長毛  
令爾登太平於心固不然誰能與之爭謂可暫休息乃  
復時相驚何以秣賊馬田中麥青青何以供賊薪破屋

摧欄楹鄉閒穰秭盡餓魄交縱橫燹軍欵下鄉飛礮轟  
雷霆羣賊駭且懼奔竄如猘鼯鄉人競搏擊破蝨難爲  
窟昨者燹軍去捆載何彭亨壯幼多脅從驅之入滬城  
得地既不守殘燼徒零星須臾賊復來毒噬尤猙獰逢  
人卽斬斫勢欲無留氓民賊不兩立茹飢強支定空拳  
冒白刃繼進無官兵解散半死亡冤魂幾能醒子身脫  
網羅自顧非人形可憐浦以東血濺愁雲腥聞言憤填  
臆淚下心怦怦鄉農爾何辜慘獨罹天刑沿海抵浙西  
在處連賊營區區此一隅仰屋聞號鳴石米踰八千如  
何給桑盛況今過立夏靈雨亦旣零急當解倒懸次乃  
招歸耕耒柏爲賊毀耕牛爲賊烹歸耕頗未易當事宜

有程農時苟一失飢荒盜斯萌彼賊何足言所恃秋收  
成作詩告當事語拙君試聽

雜興絕句

浮海居藝其一枝金城環繞又湯池白頭幾許遼東豕  
絕倒藜牀坐對時  
窄袖蠻衿緊帖身羣衣盤刺絡垂銀如椽大辯如箕髻  
詭狀多於異國人  
百萬生靈委逝波三年苟活柰君何棄師向笑平原拙  
地下相逢負媿多  
一曲紅綃遂擅名年華老大百無成門前冷落商人婦  
猶抱琵琶賺後生

兩姑之際婦難爲無米還凭巧手炊昨日羽書催餉急  
可憐民困又兵羸

五方雜處一城孤長嘯傳聞會卻胡猶有龔黃遺政在  
循聲能及舊時無

物價昂皆倍徙餘豈徒薪桂米如珠難居更比長安甚  
有客攜孥又卜居

朋舊相逢半涕零爲言蹤跡各蓬萍不知天佑黃巾意  
要遣偏隅聚德星

江浙知名之士皆逃難來此

一卷兵書誤子房屠龍無術誑飢腸穀城依舊逢黃石  
請試神仙辟穀方

戲謂小田

幾樹垂楊綠罨津樓頭栢茗小畱賓年來一醉渾難得

不及將軍有告身

失子二十首

人生不得意孰如失子悲每讀古人集急手翻過之誰  
知心所諱卒乃躬蹈茲我幼蚤孤露每慮得子遲三十  
又過二得子喜可知其後兩舉雄殤折月未彌竭來五  
十餘老幹存孤枝忽復奪之去清夜還自思天平罪我  
酷母乃緣文辭文辭宜毀棄顧作失子詩

我昔住甥館十日九出門婦翁老無嗣撫汝如真孫恃  
愛雖頑劣頗亦具慧根屬對或誦詩命汝侍酒尊而我  
有時歸稍與粗淺論惟恐所業荒督責令自溫翁見每  
解圍緩步何須奔身乎俗富貴匪我思所存要當識禮

義免誚犬與豚

自我婦翁沒歲歲謀移居在葺五六年方僦一畝廬其  
時我病瘡四體艱展舒啜糜及洩溺惟汝扶持胥聞卽  
整家具長物先琴書仲春徙張溪措置頗賴渠我瘡久  
未痊忽忽兩載餘米鹽向所拙而況在病與兒能勤治  
家免我多躊躇

愛博力不專我病昔坐此兒今復過之驚廣猶不止師  
嚴課有程根本在經史雜文詩若詞逐末可緩俟雕鐫  
及繪畫能否奚足齒兒質僅中下何得漫自侈及乎驗  
所得究竟無一是好儉誠亦佳侔利則近市誠兒慎無  
然貧富天所使

我性頗褊隘落落寡所親自從徒張溪來往無幾人兒  
何喜交遊使我多雜賓聖云益哉三握齏非其倫少年  
氣浮薄肝膽誰爲真閉門卽深山典籍如飲醕修學苟  
自立何憂德無鄰

爲汝聘太原外翁久擽倒汝師向我言

沈君定庵爲之蹇修娶婦

亦非蚤去春乍城警眾意方惴惴因促遂成婚禮節頗  
草草卻憶生汝初啞啞在襁褓居然見成人吾年亦已  
老時危苦兵革家室未易保勿以惕厲心靡於閨房好  
外翁見壻殷歸甯約三日汝去甫經旬燧燧日以密汝  
叔勸我行行李實倉卒里巷俱已空風雨何颼颼其夜  
汝適還問答初未畢方舟抵阮溪兵至賊已逸汝仍送



婦去同行叔與姪我卻返所居琴書幸無失念汝方新婚奔走不遑櫛

汝從澧溪返汝母猶阮溪汝來省父母往返時東西東西二十里面目能無顰所幸仲夏來賊勢稍解攜金平壤雖接亦似分町畦鄰里漸相集市肆稍已齊汝亦待母回窮鳥戀所栖因循至孟秋將往迎其妻汝母愛汝深勸我毋汝稽汝行毋久畱使我增憂懣

汝舅自鄉來分居兩頭屋朝夕相過從杯酒不憂獨汝近肯用心史漢能細讀亦知校易焉質疑煩可覆汝舅謂汝材譬若矢有鏃我亦姑聽汝甘爲不材木每從灌園暇樂事徵卷軸情話一室閒聊以遣炎燠

自汝迎婦歸屈指十日耳  
喧聞賊眾來倏忽近西市  
芒然呼眷屬那得顧行李  
汝舅促登舟迴見烟燄起  
官軍寡難敵須臾鼓聲死  
是夜宿阮溪居人亦逃矣  
幸有同宗人煮飯還設被

自阮溪而東黃昏抵南塘  
汝往叩相識席地幸可商  
婦孺十一人舟中坐徬徨  
自南塘而東曰至三官堂  
汝往叩所親爲汝妻父行  
肅客供晚餐既醉還聯  
延五六日歸期尙茫茫  
汝畱聽消息進退宜自量  
舟遂赴澧溪澧溪吾故鄉

兩月居澧溪望汝汝不至  
汝母往浦西我畱獨何事  
一再遊澠城惘惘仍失志  
仲冬汝東來言以足疾滯  
卽今

詩存四

三

居外家翁老舅猶穉催租赴郡城紆途母可視雨後方  
凝寒朔風凜如刺單衣宿夜航念此淚難制

南橋戍卒潰賊眾遂長驅其志在剽掠所過皆丘墟奉  
南繼失守勢已無東隅著屐走荒邨展轉無定趨殘年  
大風雪還來滬城居存亡信隔絕知汝今何如

二月雪始消汝來一何晚自言遷徙苦心力皆已瘡路  
長雪沒腰赤足三往返嗟汝體素羸父母況在遠人口  
苟無虞外物憑聚散奮身爲親戚語孝適相反不悟父  
母心念汝忘寢飯

北路復兩邑

嘉定南浦

南路亦投誠首夏接汝書奉母徙郡

城郡城良可居要隘多戍兵況聞賊膽褻此方庶將平

誰何一達官作計工逢迎欲乘兩勝威徼倖圖功名連  
營一戰潰失勢爲賊輕兩邑旣再陷郡垣遂幾傾城中  
雖幸全城外無遺釐殃民固由賊此禍誰所成  
此禍誰所成汝死或緣此挈家出重圍冒險三涉水慄  
怵來滬城一見半驚喜母妻幸俱免所存一身耳語罷  
氣凋喪精爽非昔比詎徒奔迸勞憂窘方未已自賊起  
粵西巨室不知幾千萬於吾家何論倍與蕸家破人半  
亾浩劫天所啟語兒且達觀讀書貴明理

蟪蛄巢蜩睫蟬寄蟹腹東西不二里一家分兩屬

寓子

爲佛蘭西界家口所寄爲英吉里界

雜處華彝閒百物皆桂玉明知非樂

郊瞻鳥止誰屋今年暑偏蚤仲夏苦炎溽人鯀地愈蒸

豈得日往復春前況奇寒沴氣先已伏兼此兵革餘流  
殃詎非毒一病不崇朝汝死亦太促

窮途竄荆棘更復遭死喪敝袍附汝身殮以棺白楊客  
舍不畱殯一夕登北邙北邙多野鬼魂魄毋俚俚是日  
天大雨載道何淋浪汝叔送汝往涕泗沾衣裳汝母與  
汝妻慘哭摧中藏父子廿四年已矣徒悲傷

有客向我言君意毋自局出險乃病終焉知此非福天  
壽命自天夫豈爾子獨新婦喜將媿遺孕男可卜或者  
鄭小同家學竟能續再拜謝客言愛我誠善祝我年已  
就衰況此方蹙蹙壯盛遽中摧童乳詎易有家學何足  
云但願從樵牧

樵牧苟生男亦得延宗緒汝死十三日呱呱一雌舉戚  
友爲我嗟人事多齟齬汝婦增悲啼汝母淚難茹生男  
倘夭折朝露不及清生女爲門楣何獨非彊圉明知事  
不然聊以慰兒女汝魄能知無我心柰何許  
我祖生二子其一我叔癡一子繼他氏似續誰閔斯我  
父生三男惟汝僅一枝一枝復何爲上有蘿與絲枝枯  
蘿嫋嫋結實焉所施我行負神明天壤不可搢世路方  
險巇否泰猶未知死者長已矣生者將奚之

移居三林塘遺懷

地以人傳尙姓林故家遺跡不堪尋

昔有林氏兄弟三人自閩來居此因

名其

居人愛說張司寇老屋巋然剩至今

所假趙氏宅爲張文敏公

舊居

水北長街一字開閭閻無恙避兵回碎身土木猶靈氣

宵爲黎民扞賊災

賊所至無不破碎獨此鎮完善而東西兩社神廟被毀神肢體皆折

息羽同來又各飛

本與鈕安濤張家鼎兩君同居未兩月復各遷去張涇南去

信音希無聊獨自尋秋出還折秋花獨自歸

### 一室

一室真如斗卷然坐臥煩同居人語雜

同居有蘇屬人雜有嘉興紹興人

破夢市聲喧飢鼠晝窺案枯蝸時上垣晴牖書可展連

日雨潺湲

夏秋以來上游賊被圍勢蹙南漚奉賢川沙金山

青浦嘉定常熟諸城以次收復蓋惟曾節相洞

察賊情操縱在握而李撫軍能承其節制相機  
剿撫非泄泄沓沓者所能與也喜而有作

羣盜如毛耳紅爐一燎休功名儒將事息偃大夫羞天  
道周星轉兵機與鬼謀和戎豈無利應變且懷柔

小田新遷東城地藏庵別後寄懷二首

閒處一庵畱殘年度客愁知君南望眼日日上城樓  
說法木上座吟詩金地藏蒲團堪借坐佛眼看僧忙

姚

燕穀

以水仙花寄惠賦謝

蘭爲王者香水仙王者師蘭香靜而和清冽實遜之貴  
從冰雪候鍊此如玉姿脫身小草中欲敵寒梅枝一從  
遭寇難不見長相思數里遠寄將君意能我知素餌賊



所遺注水還供茲酌酒荐湘君侑以靈均詞殘年成一  
笑此笑君所資

除夕戲占

殘書可讀飢何害濁酒難賒債亦無一事勝人眠較早  
滿街燈火聽追呼